



JARDUERA FISIKOA ETA KIROLA AIRE ZABALEAN

1. Egin al daiteke jarduera fisikoa eta kirola taldeka (korrika egitea, bizikletaz ibiltzea)?

Covid-19 kasu positiboen intzidentzia-tasa metatua duten udalerrietan, azken 14 egunetan 100.000 biztanleko 500 baino gutxiagokoa bada, kirol-jarduera honako arau hauen arabera garatu ahal izango da:

- Federatu gabeko kirol-jarduera fisikoa aire zabalean, bakarka edo taldeka egin ahal izango da, kontaktu fisikorik gabe, eta gehienez 6 pertsonako taldeetan aldi berean.

Covid-19 kasu positiboen intzidentzia-tasa metatua duten udalerrietan, azken 14 egunetan 100.000 biztanleko 500 edo gehiagokoa bada, kirol-jarduera honako arau hauen arabera garatu ahal izango da:

Kirola bakarka bakarrik egin ahal izango da, eta bertan behera geratuko da taldeko edozein kirol-jarduera, bai entrenamenduan, bai lehiaketan, atal honetan jasotako salbuespenetan izan ezik. Honako hauek egin ahal izango dira:

- Gimnasioetan, kirol-klubetan, igerilekuetan eta kiroldegietan programatutako ikastaroak edo jarduerak eta aire zabalekoak egin ahal izango dira, sei laguneko taldeetan gehienez.

2. Nahitaezkoa al da maskara erabiltzea jarduera fisikorako eta kirolerako?

Kirol-jarduera orotan, nahitaez erabili beharko da maskara. Hauek dira salbuespenak: eremu naturaletan, hirigune periferikoetan (oinezkorik gabe), igerilekuetan, lehiaketa federatuan, profesionalean edo erdi-profesionalean murgilduta dauden kirolarien eta taldeen entrenamenduan eta lehiaketan eta kanpoan egiten den instantsitate altuko une berezietan.

3. Derrigorrezkoa al da maskara erabiltzea udalerrian oinez edo bizikletaz ibiltzeko?

Bai, nahitaezkoa da.

4. Baimenduta al dago ehiza-jarduera modalitate guztietan, bai eta ibaiko eta itsasoko arrantza, kirol-arrantza eta jolas-arrantza ere, modalitate guztietan?

Bai, udalerrian baimendua dago; betiere pertsonen arteko segurtasun-distantzia 1,5 metrokoa bada.

5. Nahitaezkoa al da maskara erabiltzea ehiza-jarduera guztietan, bai eta ibaiko, itsasoko, kiroleko eta aisialdiko arrantzako modalitate guztietan?

Bai, nahitaezkoa da, nahiz eta pertsonen arteko segurtasun-tartea 1,5 metrokoa izan.



6. Zein da baimendutako edukiera kirol-eremuetan, patinaje-pistetan (skating) edo aire zabaleko erabilera publikoko espazioetan?

Esparruaren azalerako 4 metro koadroko gehieneko edukieran pertsona 1.

7. Nori dagokio erabilera publikoko espazio horiek antolatzea, bai eta garbitasun- eta higiene-baldintzak bermatzea ere?

Udalerriei dagokie.

8. Beste udalerrri batera joan zaitezke jarduera fisikoa aire zabalean egiteko?

Ez, ezin zara zure udalerritik atera jarduera fisikoa aire zabalean egiteko, Covid-19ko kasu positiboen intzidentzia-tasa metatua edozein dela ere.

KIROL-INSTALAZIOAK (Igerilekuak barne)

9. Baimenduta al dago kirol-instalazioetan banaka kirola egitea?

Bai, instalazioaren berezko protokoloak errespetatuz

10. Baimenduta al dago kirol instalazioetan kirola taldeka egitea?

Covid-19 kasu positiboen intzidentzia-tasa metatua duten udalerrietan, azken 14 egunetan 100.000 biztanleko 500 baino gutxiagokoa bada:

Bai, Banaka edo taldeka egin ahal izango da, kontaktu fisikorik gabe, eta gehienez 6 pertsonako taldeetan aldi berean, pertsonen arteko distantzia errespetatuz eta edukiera baimendutako edukieraren ehuneko 50era mugatuta.

Taldeka ematen diren ikastaroetan, gehienez 6 lagunek parte hartu ahal izango dute talde bakoitzean, eta ematen den espazioan ezarritako gehieneko edukiera errespetatuko da.

Covid-19 kasu positiboen intzidentzia-tasa metatua duten udalerrietan, azken 14 egunetan 100.000 biztanleko 500 edo gehiagokoa bada: EZ, taldeko edozein kirol-jarduera eten egiten da. Kirola, bakarka bakarrik egin ahal izango da.

Ezin izango da kiroldegiko kantzak, frontoiak, etab., alokatu kirola taldeka egiteko. Bizikideak salbuesten dira.

Salbuestita daude gimnasioetan programatutako ikastaroak edo jarduerak, Dekretuak ezarritako neurriak jarraituz, betiere maskara erabilia aire zabalean zein barruko instalazioetan, kanpoan egiten den intentsitate handiko jarduera fisikoko une berezietan, gehienez 6 laguneko taldeetan, pertsonen arteko segurtasun distantzia eta %50eko edukiera errespetatuz.

11. Derrigorrezkoa al da maskara erabiltzea kirol instalazioetan?

Bai, aire zabaleko zein itxiko kirol-instalazioetako kirol-jarduera orotan nahitaez erabili beharko da maskara.

Igerilekuetan eta kanpoan egiten den intentsitate altuko jarduera fisikoko une berezietan izan ezik.

**12. Zein da kirol-instalazioetan, igerilekuak barne, baimendutako gehieneko edukiera?**

Baimendutako gehieneko edukieraren %50 izango da.

13. Aldagelak eta dutxa-guneak erabil daitezke?

Bai, aldagelak erabili ahal izango dira betiere gehieneko edukieraren ehuneko 30eko okupazioarekin. Halaber, dutxak erabili ahal izango dira, baldin eta banaka erabiltzen badira. Maskara nahitaez erabili beharko da, dutxatzeko unean izan ezik, eta une oro errespetatuko da erabiltzaileen arteko segurtasun-distantzia. Aldagelak etengabe aireztatu beharko dira erabiltzen diren bitartean eta, gainera, ireki aurretik eta itxi ondoren. Aireztapena mekanikoa bada, kanpoko airearen sarrera maximizatu beharko da eta airearen birzirkulazioa saihestu.

14. Ikastaroak edo jarduerak taldeka egin daitezke?

Bai, gehienez ere 6 pertsonako taldeetan eman ahal izango dira eskolak, betiere maskararekin egiten badira, kanpoan egiten den intentsitate handiko jarduera fisikoko aparteko uneetan izan ezik, eta aforoaren edukiera ehuneko 50era mugatuta badago.

15. Klase batean talde bat baino gehiago egon daitezke aldi berean?

BAI, talde bat baino gehiago egon daitezke aldi berean, maskara erabiltzen bada, kanpoan egiten den intentsitate handiko jarduera fisikoko une berezietan izan ezik, taldeen arteko distantzia errespetatzen bada, taldeak ondo mugatuta badaude eta taldeen arteko harremanik ez badago.

16. Taldeko arduradunak izan al dezake harremanik kirolariarekin?

Ez, kontaktua ez dago baimenduta inoiz.

17. Pertsona bat izan daiteke talde bat baino gehiagoren arduraduna aldi berean?

Bai, pertsona bat talde baten baino gehiagoren arduraduna izan daiteke.

18. Talde adina arduradun egon al daitezke?

Bai, talde bakoitzean arduradun bat egon daiteke, eta ezin da haien artean kontakturik izan.

19. Zein da kirol-instalazioak irekitzeko eta ixteko baimendutako ordutegia?

Instalazioak goizeko 6etatik aurrera ireki ahal izango dira jendearentzat eta 21:00etan itxiko dira. Ordu horretatik aurrera, langileek geratzen den barne-jarduerak egin ditzakete.

ENTRENAMENDU ETA LEHIAKETA FEDERATUAK ETA PROFESIONALAK

20. Entrenatu dezake kirolari federatu batek?

Covid-19 kasu positiboen intzidentzia-tasa metatua duten udalerrietan, azken 14 egunetan 100.000 biztanleko 500 baino gutxiagokoa bada:

Bai, kirolarien eta talde federatu eta profesionalen entrenamenduak egin ahal izango dira. Federazio bakoitzari dagokio, bere eremuan, eta, hala badagokio, lehiaketa bakoitzaren ardura duten erakundeei, prebentzio-neurriak eta protokoloak zorrotz betetzen direla zaintzea.

Covid-19 kasu positiboen intzidentzia-tasa metatua duten udalerrietan, azken 14 egunetan 100.000 biztanleko 500 edo gehiagokoa bada:

Bakarrik, lehiaketa profesionalean eta erdi-profesionalean murgilduta dauden kirolariek eta taldeek egin ahal izango dituzte entrenamenduak.

21. Lehiatu dezake kirolari federatu batek?

Covid-19 kasu positiboen intzidentzia-tasa metatua duten udalerrietan, azken 14 egunetan 100.000 biztanleko 500 baino gutxiagokoa bada:

Kirolarien eta talde federatu eta profesionalen kirol-lehiaketak baimenduta daude.

Covid-19 kasu positiboen intzidentzia-tasa metatua duten udalerrietan, azken 14 egunetan 100.000 biztanleko 500 edo gehiagokoa bada:

Bakarrik, lehiaketa profesionalean eta erdi-profesionalean murgilduta dauden kirolariak eta taldeak.

22. Entrenamenduetarako joan-etorriak nolakoak izango dira?

Entrenamenduetara joateko eta talde-kirolak egin aurreko eta ondorengo uneetan, segurtasuneko pertsonen arteko 1,5 metroko distantzia, sei laguneko taldeak eta maskara erabiltzeko oinarrizko prebentzio-neurriak gordeko dira.

23. Joan al daiteke kirolari federatu bat bizi den udalerritik kanpo entrenatzera?

Covid-19 kasu positiboen intzidentzia-tasa metatua duten udalerrietan, azken 14 egunetan 100.000 biztanleko 500 baino gutxiagokoa bada:

Bai, bizi diren udalerritik kanpo entrenatzera joan ahal izango da, baldin eta entrenatzeko ohiko tokia bada.

Bizi den udalerritik eta/edo entrenatuko den udalerritik Covid-19 kasu positiboen intzidentzia-tasa metatua, azken 14 egunetan 100.000 biztanleko 500 edo gehiagokoa bada:

Lehiaketa profesionalean edo erdi-profesionalean murgilduta dauden kirolariek eta taldeek baino ezin izango dute.

Era berean, Basque Team-eko kirolariak eta teknikariak; eta goi-mailakotzat katalogatutakoak.

**24. Maskara erabiltzea derrigorrezkoa al da?**

Bai, une oro. Kirol-jarduera orotan, nahitaez erabili beharko da maskara. Hauek dira salbuespenak: eremu naturaletan, hirigune periferikoetan (oinezkorik gabe), igerilekuetan, lehiaketa federatuan, profesionalean edo erdi-profesionalean murgilduta dauden kirolarien eta taldeen entrenamenduan eta lehiaketan eta kanpoan egiten den instantsitate altuko une berezietan.

25. Zeintzuk dira lehiaketa profesionalak?

Futboleko Santander eta Smartbank Ligak eta saskibaloiko Endesa Liga (ACB). Baita Liga hauetan parte hartzen duten taldeen nazioarteko lehiaketak ere.

26. Zeintzuk dira lehiaketa erdi-profesionalak?

Egutegi ofizialeko estatuko eta nazioarteko lehiaketa ezberdinak eta baita Euskal Federazioak antolatutako maila goreneko lehiaketak ere; hauek guztiak kategoria absolutuan. Kategoria absolutua baino lehenagokoetan, estatuko edo nazioarteko lehiaketak ere sartuko lirateke.

Atal honetan sartzan dira ere kirol autoktonoen goreneko lehiaketak maila absolutua.

27. Lehiaketa eta entrenamenduetan gaudenean, aldagelak erabili daitezke?

Bai, aldagelak erabili ahal izango dira betiere gehieneko edukieraren ehuneko 30eko okupazioarekin. Halaber, dutxak erabili ahal izango dira, baldin eta banaka erabiltzen badira. Maskara nahitaez erabili beharko da, dutxatzeko unean izan ezik, eta une oro errespetatuko da erabiltzaileen arteko segurtasun-distantzia. Aldagelak etengabe aireztatu beharko dira erabiltzen diren bitartean eta, gainera, ireki aurretik eta itxi ondoren. Aireztapena mekanikoa bada, kanpoko airearen sarrera maximizatu beharko da eta airearen birzirkulazioa saihestu.

ESKOLA KIROLA**28. Zer jarduera egin dezakete eskola kirolean?**

Eskola-kiroleko entrenamenduei berrekin ahal izango zaie, eta gehienez ere sei pertsonako taldetan antolatu beharko dira, taldeak berdintzat mantenduz, Covid-19 kasu positiboaren intzidentzia-tasa metatua duten udalerrietan, azken 14 egunetan 100.000 biztanleko 500 baino gutxiagokoa bada.

Eta eskola-kiroleko entrenamenduak bertan behera geratuko dira, Covid-19 kasu positiboaren intzidentzia-tasa metatua duten udalerrietan, azken 14 egunetan 100.000 biztanleko 500 baino gutxiagokoa bada.

29. Eta lehiaketa?

Eskola-kiroleko lehiaketak etenda daude.

30. Eremu gorrian dagoen udalerritik eskola kiroleko jarduerak egiteko beste udalerririk batera joan daitezke?

Ez, ez dago baimenduta.

**31. Pertsona bera, talde baten baino gehiagoren arduraduna izan daiteke aldi berean?**

Bai, pertsona bera talde baten baino gehiagoren arduraduna izan daiteke.

32. Maskara erabili behar da eskola kirolean?

Bai. Eremu naturaletan, oinezkorik gabeko hiri-ingurune periferikoetan, uretako jardueretan eta kanpoan egiten den instantzitate altuko une berezietan izan ezik.

33. Aldagelak eta dutxak erabil ditzakete eskola kirolean?

Ez, ezin dituzte aldagelak eta dutxak erabili, erabiltzaileek erabili behar dituzten igerilekuetako aldagelak izan ezik.

34. Eskola kiroleko jarduerak protokoloen bat izan behar dute?

Foru Aldundietako Eskola Kiroleko Programetan izena emanda dauden entitateek egiten dituzten jarduerak eta horiek baimentzen dituzten beste jarduerak, indarrean dauden arauak jarraikiz eguneratutako jarduketa protokoloa izan beharko dute.

Ikastetxeetan egiten diren jarduerak hauen protokoloak errespetatu beharko dituzte eta, halaber, hirugarrenen instalazioak erabiltzen direnean, horietarako ezarritako protokoloak errespetatu beharko dira.

35. 2007. urtean eta ondorengo urteetan jaiotako ikasleek lizentzia federatua lor dezakete?

Oro har, egungo osasun-egoerak irauten duen bitartean, foru-organismoek ez dute baimenik emango 2007an eta hurrengo urteetan jaiotako eskola-umeentzako lizentzia federatuak emateko. Inguruabarrek hala eskatzen dutenean, Foru Aldundiek zenbait salbuespen baimendu ahalko dituzte, betiere Eskola Kiroleko Euskal Batzordearen onespenerekin.

LEHIAKETAK. KIROL-EKITALDI ETA IKUSKIZUNAK.**36. Zein da eskumena duen erakundea lehiaketa garatzeko baimena eman behar duena?**

Baimena ematea bidezkoa denean, erakunde eskuduna, egoera arruntean eskuduna dena izango da.

37. Joan al daiteke lehiaketa, ekitaldi edo kirol-ikuskitan bat ikustera?

Ez, debekatuta dago jendea edozein kirol-ekitaldietara joatea.



KULTURA ETA HIZKUNTZA
POLITIKA SAILA
POLITICA LINGÜÍSTICA

Vitoria-Gasteiz, 2021eko urtarrilaren 25a

JARDUERA FISIKOAREN ETA KIROLAREN ZUZENDARITZA